

Нушала заманала Имам Навави



1956 дуслизив, Цунтѳила районла Загъидала шилизив аклѳб дурхІя. Ил виштІахІейчивадал гІяхІти хІял-тІабиГІятличил декларулхъусири. Камти дусмачивал ил динла бяркъ касес вехІихъиб. Гъаланачи илизи сунела дудешли Къуръан бяркъяхъур, гІур ил Закаталала шилизивси ГІябдулхІяфиз биклѳси гІялимличи гІилмуни учІес арукъяс хъулухъун. Илав калун 8 дуслабелчІуди таман барайчи. Итала гІергъи вякъун Буйнакъскла районлизи, илабра ит заманалис бахъал халати гІялимти

лебтири. Ит жагъил дурхІя, секІал багъес къайгъили вицІибси, итав гъарил гІялимличи вашули, гъариллизибад пайда касес къайгъилизив вири. Ил жагъил дурхІяла у, Дагъистайзицун ахІи, лебил дунъяличира машгъурбиуб. Ил сайри КъурамухІяммад хІяжи Рамазанов. Ахиратла гІялим ибси гъайла мягІна саби, чІянкІли Аллагъ ﷻ багъандан гІилму бяркъурси, сунени багъурси Аллагъ ﷻ багъандан цархІилтачира баахъес узуси адам. Ихгъунара вири КъурамухІяммад хІяжи Рамазанов.

Ца мажлисличив СагІид Афандини къ.с. КъурамухІяммад хІяжи Имам Нававиличи пугуциб. МухІиддин Абу Закария Яхъя бин Шараф ан-Навави аклѳбсири 631 дуслизив, Сириялизибси Нава биклѳси биштІгІаси шилизив. ВиштІахІейчивадал ил бархкъянабачивад паргъатдешличилра, гІяхІти тІабиГІятличилра декларулхъусири. Имам Навави халаси загъид вири. Загъидла мягІнара саби – Аллгъ ﷻ багъандан дунъя батурси. Имам Навави дахъал дусмадди Дамаскла мадрасалав дурсри кадирхъули калун, ►► 4

Номерлизир:



бяхІ. 3

Адамла гІямрула багъа 150 къуруш буили саби!!!



бяхІ. 5

Ца хъунул рихІусив, авал лебкутив?!




бяхІ. 7

Кроссворд

2015 дуслаб хІяжличи хІядурдеш

«Ас-салам» газатла редакциялизиб челябкъуси хІяжла хІекълизиб ихгилат бетаур. Ихтилатлизир бутІакъяндеш дариб хадж-центрла руководитель АхІмад хІяжи ХІябибов, хІяжла хІекълизиб каватурси муфтигІла заместитель МухІяммад хІяжи ХІяжиев, «Ас-салам» газатла главный редактор Азиз Мичигишев.

Гъанбикахъес тикрар бирехІе, иш дуслизиб Дагъистайзибадди хІяжлизи букъяс дигутас 6200 мер декларадарили сари, арбякъунси дуслайчир 200 мер имцІадарили. Лебил Россиялис биалли, 16400 мер декларадариб. ХІяжлизи аркъянтала цаеси рейс сен-



тябр базла 6 бархІи аркъян, ил базла ахирличибра хъули чарбулхъан.

«Ас-салам» газатла главный редакторли хадж-центрла руководителлизи хІяжла хІекълизиб се хІядурдеш бирулил баян барахъес тІади бариб. АхІмад хІяжи ХІябибовли декларабариб иш дуслизиб хІяжлизи букъяс дигутас мерани тамандиубли ахІни. ХІяж барес дигутас мерани лер.

- Документуни дедлугуси замана 15 августличи бикайчи гІелайзи арбухили саби, илбагъандан документуни хІядур дарес замана леб. ХІяжлизи укъяс дигусилис хІядур дарес гІягІнити документуни сари: 10 дуслис касибси загранпаспорт, ►► 2

2015 дусла хіяжличи хядурдеш

1 « сунезибра пластиковый вкладыш лебси, 3 сурат, сарира 3x4, российский паспортла копия. Ихти документунира, арцра вирар духес Захарочкина 49 биклуси къакъала. Их къакъалар лер кел турфирма - «Марва тур», «Караван тревел». Хіябъэси фирма, халал мижитла мякълабси «Сальва» биклуси банкетный залла кияэси дярхличиб, «Равза тур» биклуси леб, - или буриб Ахлмад хіяжини.

Илини гурра имцабариб, илди турфирмабани дурхути рейсанала, 2900 долларличирад дехдихъили, 3800 долларличибикайчи багъни лер. Иорданский рейсла багъа саби 2900\$, гурра леб «минимум класс», илала багъа сби 3100\$, «Эконом класс» -3450\$, «Стандарт»-3700\$, «Стандарт плюс»-3800\$, «Люкс»-5900\$.

Ахлмад хіяжини деклара бариб, лерил ихти турназиб хіяжликъянабас, бархилис кийна беркесира, гостиниализибад зияратуначи букъяс транспортра бирар. Къантли буралли, илди турнаса багъа бедибси адамлис гъатли харж хіяжат хебиркур.

Мухлмамд хіяжи Хіяжиевли биалли, Дагъиста бусурмантала управление секъяйдали хіяжличи хядурбиклулил баянбариб.

- Пергъести дусмазиб Дагъиста бусурмантала управленияни чумали кабизахъур хіяжлизи цайнейсил аркъути ахленти хебурхъахъес. Нушанира ил хъарбаркъ барес халаси къайгъи барира, амма сенилра илди дазурби дихлес имкан хебаклиб. Улкализибси къиянбухъунси экономический шали багъандан, хіяжла мерани лерил дирцули ахленри, илбагъандан, хіяжлизи чуйнара бякунтира бурхъес къас барира.

Дагъиста муфтиятли, хіяжлизи букъяс дигутас, нушани гъалар дурибти хіябалра фирма чедиахъули сари. «Караван тревел», «Марва тур», «Равза тур». Пергъести дусмазир ихти фирмабала хекъелизиб ца камси гайцлаалра хебаклиб. Саудиянира декларабирули саби, Дагъиста фирмабазирадли, деглара гяхити ихти фирмаби сарни.


Мухлмамд хіяжини декларабариб, бусурман узбира, рузбира дебали махбарес дигни. Ил виклар: «Пергъеси заманализир, Дагъистайзир дахъал деклар-декларти фирмаби ибхъули сари. Илданира хіяж 100 азир къуруш арцлайс барахъес чейсули саби, ил секлал, барес хейруси секлал саби. 100 азир къуруш арцлайс хіяжлизи укъяс сенилра вируси ахлен. Чячантазир 3200\$ хіяжлизи аркути фирмаби лер, илдала калунси лугли, Чячантала бекдешли чула шайзибадли бедлугуси саби».

«Аргъахъесли гурра бурисра, арбякъунси дуслизиб, нушала рейсани къандиахъуб, илра нушала гяйгъибличиб ахленри, илала дурабад нушани илдас 70 000\$ дедес чебуркъуб. Хушани 100 азир къуруш арцлайс хіяж барес вягдабарили дакдадалли, илгъуна бетаурхелли, хушаб кумек чилилра хебиру. 100 азир къурушла путевкализе я беркеси, я зияратуначи аркуси транспорт, я хіяжатбикалли тухтуртала кумек кабурхуси ахлен. Илди арц чянкли самалетлис аркъути сари», - или буриб Мухлмамд хіяжини.

Мухлмамд хіяжини маслигят бирули саби, хіяжликъянабас беркесира, транспортра турфирмализи чесахъни. Сенахленну хіяжлизив ца аргъ къацли укес 700 къурушличи гъамли кабилзули бирар. Пурра, хіяжла заманализиб таксистунани багъни дебали ахъдурцути сари, зияратуначира илдачиб башес, адамтала дебали халаси харж аркъян.

Халал замана хебикили, Дербентлизиб хіяжла суалтала хекъелизиси совещание бариб. Илабра, Россиялизибад хіяжлизи аркъутала багънала хекъелизиб гъайбухъун. Декларгачи цугдуцибхели, Дагъиста фирмабала багъни деглара камти сарни дакдубухъун.

Гурра муфтийла заместителли деклара бариб, гъман къаршибиркули бирни, адамли хіяж барили хъули чарухъунхели, хіяжла ца бутла гелаб батни



дакдубирули бирар. Илисра сунела хіяж чебахъили барес чеббирар.

«Нушани, нушала фирмабазиб руководителти декларабирутира, гъарил рейсла хіяжликъянаби 40 адамла группабачи бутили, гъарил группализи ца руководитель кавалтутира. Руководительчиси чеблара саби, хіяжлизир къаршидиркути лерил суалти далули виъни ва илди бекдарес тлашизни», - или буриб Мухлмамд хіяжини.

- Хіяжлизи аркъути секъяйдали хядурбирутив?

- Нушани хіяжла хядурдеш хіябал бутлаличи бутибтира. Цаэси бутлализиб, нушани имамтази хъарбирутира, хъулиб лебалил хіяжлизи аркъутас дурсри кадирхъахъес. Илдани имкан лебли биалли гъар бархли дурсри кадирхъу, хебиалли, жумягла бухнаб кийна-хіяйна сенилра дарс биру. Кияэси бутлализиб нушани хіяжликъянаби Мяхлячкъалализиб цалабирхъеле. Тахшагъарлизиб илдас лекцияби дучла, чус руководитель декларавиру, чула группаби декларадиру.

Хіябъэси бутла биалли, хіяжлизиб саби. Гъар бархли, хъатгила дехлбайс пергъи, хіяжликъянаби гостиницала фойелаб цалабирхъу. Иларра илдас лекцияби дучла, чула дакдудибти суалтас жавабти дедлуга. Илдала дурабадра, нушани хіяжликъянабас, хіяжличила делкунти жузи дуртлули дирехе.

- Хіяжла заманализи сегъуна къиянтачи къаршибиркули дирудая?

- Къияндешлуми агарли хедуар, имцалинра илди дирар адамти бетихъилизирад. Нушани хіяжликъянабачи бурули дирехле, ветахъибси виалли милицуначи гъамбиубли, «Россия, Дагестан» ибти гъай дурахъес. Илданира нушачи зянкъдяхъили, ветахъибси левни ва илала мер балахъу.

Пурра халаси къиян саби хъунул адамтани чула дехлала хедирути замунти дигляндирни. Руководительтира мурул адамти сабли, хъунул адамтира, чула хіяжат бурес урузкули халаси хатла бетарули бирар. Арбякъунси дуслизибра анцбукъ лебри, барес чеб-

си тлаваф ца хъунул адамли, сунела иди бархназиб бариб. Суненира, хъули чарухъайчи чизилра ил секлал багъахъули ахленри. Ахирра сари валрила чеблализи рикиб. Заманализиб руководителлизи багъахъурси риаллири илди детарути ахленри.

- Хіяжлизи бякунтазиб изути къаршибиркули бирару?

- Изути камхебирар. Амма нушала лерил гягънидикес дироти дармунтира дирар, чула хянчи балути тухтуртгире бирар. Нушала тухтуртгачи деклар-декларти мераначибти адамтира гъамбирули бирар. Рах-рахли гякъу камти адамтира къаршибиркули бирар. Илдачиб хіяж чебси ахлен амма сенилра илдала гъамтани илди хіяжлизи бурхъули бирар. Хъулиб лебалил ил секлал дакдубухъалли нушани бикули хедирехле, сенахленну илди руководителтасра дебали къиянбулхъан. 40 адамлис деклараварили ведибси ца руководитель, илизив виркъули гурти лебилличи херес замана кахлевлули бирар.

- Руководительти секъяйда декларабирули дирудая?

- Руководительти имцалин чула багъуди хясибли декларабирули дирехле. Илдазиб гилму биъни чеблалли бетаурси лишан саби. Пурра нушани хіяжликъянабачи, суалтира сарира анкетаби дедлугули дирехле, хіяжликъянабани чули чедаиливан илди суалтас жавабти лукла. Илди анкетаби хясибли руководителлис нушанира оценка кабалтули дирехле. Чула хянчи гяхлил барибтас премия бедлугуле, челякъуси дуслизивра хіяжлизи урхъеле. Хіяжликъянаби сунечиб разихебикили биалли, ил адамлизе нушани баркала багъахъурли, сунела гъуни бурцахъеле.

- Бархъли хіяж барибси адам лерил бунагъуназивадли умувирар, ил умуси клапиван вирар, - ибти гъайличил Мухлмамд хіяжини ихтилат таман бариб.

Статья хядурбариб Шамиль Гябулаевли

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Главный редактор Азиз МИЧИГИШЕВ</p> <p>Редактор Асхаб ДЖАРБАЕВ</p> <p>Канонический редактор Мухаммад ДАВУДОВ</p> <p>Корректор Асхаб ДЖАРБАЕВ</p> <p>Дизайн, вёрстка Мухаммад МУСАЕВ Иса ОМАРОВ</p>	<p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».</p> <p>Отпечатано в ООО «Дом печати» по адресу: пр-т Акушинского, 20.</p> <p>Заказ _____</p> <p>Сдано в печать 2 августа 2015 г. в 15:00</p> <p>Тираж 3 500 экз.</p>	<p>Адрес редакции 367015, РД, г. Махачкала, ул. Аскерханова 13а.</p> <p>Телефоны: Редакция: (8722) 51-85-22. Подписка и доставка по г. Махачкале: 914-222, по Республике Дагестан: 8-988-699-28-24.</p> <p>e-mail: assalamweb@gmail.com; www.assalam.ru</p>
---	--	---	---	---

Адамла гямрула багъа 150 кьуруш буили саби!!!

Иш статъя белкнилис сабабли бетаур ца кабикибси анцбукъ. Нушанира лерил умира, анцбукъ кабикибти меранира, замунтира хедурехе. Чянкли кабикибси анцбукъ баянбарили балтехе. Илра баянбарниличилси къасра, чянкли динла узби пикрибухъахъес саби.

Мяхлячкъалала къакьурбахъиб ца жагьил дурхяни такси ташаиб, ил дурхя 25 дуслагъуна гямрула леври. Сунени ташаахъибси таксила руличивра, сунела аргъла, жагьил дурхя сайри. Илдани ца лайкъси багъара кабизахъурли, бурибси мерличи букъяс вягдала биуб. Ибси мерличи бакибхели такси буцибси дурхяни 350 кьуруш дедесла мерличиб 200 кьуруш гьадуцили сари. Илра виклули сай гьатли дарх агара, амма паспорт балтасра ва гурра къаршидикили, калунти 150 кьуруш чардалтасра или. Сен илини гьаланачил сунела арц хедигьниличила хлебурибал ца Аллагълира ﷻ суненира бала, се гьузру лебрил нушани хлебалехе. Сенилра таксила вегл ил секлайчи къабулхейкиб ва ит мерличирал арц кадихъахъес тлалабариб.



Илкьяйдали, гьайличибад гьайличихъили, илдала жал, таксила бухнабад дурабухъи, къалмагъарличи шурбухъун. Имцалин бетаруливанра, гьайла къалмагъар някъбачи шурдухъун. Жагьилти бяхъиб. Илди чебаили мякъ-

лабси туке вегл мурул адам къалабали илдачи вакъили, декларабариб. Декларабарес вакъибси мурул адамли къалмагъарла сабаб багъурхели, илди 150 кьуруш нуни лугасрагу или вализур. Таксила вегл биалли, наб чи-

лалра арц гьагъили ахлен, амма иш наглецли наб гес гьагъинити хлегили, ишавадли архлякъян или кайзур. Илди гурра бяхъиб. Илаб адамти цалабикиб ва илди гурра декларабариб, ил заманализиб гьадатли батаурливан чула гелабтаци зянкъбиклес бехлихъиб. Такситла шайчибадли барх бузанги цалабикиб, итил дурхяла шайчибадлира жагьил дурхяни бакъиб, цализибра хлевал гела дигъанбарили ярагъ лебри. Къалмагъар гьатлиралра дахъдаиб, ца заманализиб ярагъли тлама дариб, таксила веглис глеббикили бакъибтазивадли ца жагьил дурхя кайкиб. Илала беклизи хлярхя чегиллири, къалабали скорая помощь баклахъиб, амма ил больницализи авахъес хлебиуб. Гьуйчив жагьил дурхя таманвиуб.

Нуша чиди гьайгъибла вегл сайрил, чиди вархъли ахленрил гьайхедиклехе. Сенилра ахир кабизур, жагьил дурхяла гямру 150 кьуруш багъандан ардякъни. Ца гьатли халаси суал кавлули саби – Аллагъла ﷻ гьалаб гямру селис харждарира эс вирару ит вебкисини, ва ит кавшилиси сабабли бетауртани се гьузру бургу!!!

Бегтала кагъар



Дербентла шантани Дагъиста улкала министерство внутренних деллизи кагъар белкун. Хиурматла министерство! Нушаб сенилра гьанхлебикиб иштигъуна къиянтачил къаршидиклехе или. Нушала биштлатас нушани беглара гьахъи бяркъ бедес къайгъи бирехлери. Нушани илди руркъутири Аллагъ ﷻ дигахъес, халатала хиурмат бирахъес, адамдеш черти гьубзни бетаахъес. Илдала гьачамалра законличил къалмагъар лерти ахленри, амма лерил нушала гямру дарсдиуб нушала биштлати ца мижитла башес бехлихъибхели. Илди таманли барсбаритигъуна саби. Илди вайти бетагънила дурабад, илдани, нуша, чула бегти хлейгани биуб. Гьар илдала къаклабад дурабухъунси гьай илдани чула имамли буриб или декларабирулри. Нушала хъалибарглизирти гямру Жагъанаб детаур, амма нушала биштлати багъандан, нушани илди лерил секлайчи сабур бируллири. Биштлатани нушаб дазурби кадирихъуллири: музыка – хлярам, мекъ – хлярам, мавлид – хлярам, телевизор – хлярам. Мурт мижитла бякъи чарбухъаллири, нушала дурхяни жаниварти бетаруллири. Илдани чула нешхъалани хъулиб барибси беркесира хлебукан биуб. Халал замана хедикили, нушани багъурра нушала дурхяни мукъи дарни, нушала рурсби деклартас шери бякъни, нушази биалли чилилра, силра багъахъурси агарли. Ил мижитлавси къадини

нушала биштлати бетулизибадван, сунес дигуливан бирули сай. Илди биштлати баркъили, сунечи бирхуди бихъили ила бархъибти нушани биалли гьанна сарра багъурти ил бирхаудила багъа сецад халаси буилил. Ишбархилизиб нушала биштлати нушала мякълаб агара. Цабехли ИГИЛличил барх бургули саб, гурти кабушили ванализиб саб. Нушани илди хлярибихъибси мерра балули ахленра. Нушани се бариша? Гямру себали дерклиша?! Бахъли нуша гьайгъибла дарес асубирар, биштлатас бархъси бяркъ бедили диадаллири или. Чис хабар лебрив, мижитлар ихтигъуна секли руркъяхъни. Чили балусири мижитла ухнаулхъути унза Дербентла къакъалар сарни, дураулхъути Сириялар яра Ираклар диъни. Ил мижитла имамла яхл агардешлис дазурби агара, илини лебил гьайгъибла биру амма сунечиб сегъуналра гьайгъиб чехлебиу. Бири замана, нушани ил мижитла башантас беркесира бирес, ила арцла харж бедлугес хлядурхели. Нушаб биалли се чарбагура?! Нушаб чардатур дехъубти хъалибаргунира, нушала биштлатала у агарти хлярбира, илдачира нуша дукъясра имкан агарти! Их анцбукълисира Ислам бикъути леб. Бегтаци гьимивигъни Ислам сабу?! Нушала биштлатани чула машинти дициб, чула юртани дициб, материнский капиталти дициб, мургъи дицили ИГИЛтас кумекли дархъиб. Нушала гямрулизиб, нушани цалабахъибси мас динла

душмантас кумекли арбякъун. Ит мижитлар нушала биштлатаци дургъбала гямру дагъахъур. Хиурматла министерство, нушаб хъалица гьагъинити ахлен, нушаб мас, давла гьагъинити ахлен, нушала биштлати мякълаб агархели нушала гямрула мягъна беткахъили саби, нушала калунти ца душмандеш сари, нушазиб калунси ца гьими саби. Агара Дербентлаб юрт чула гьайнив жагъил дурхя кахлевибси ит мижитла имамла гьахъидешчил. Аллагъли ﷻ сай гьутгъуара!!! Хиушазира халаси тилади саб, мижитла уличибли абхъили бузахъуси ит жагъил дурхянира, рурсбира арбикуси заведение глеклахъаягу, яра ил ятимтас бедая, яра бухнабас хъали барили бедая, амма их бузули лебалли ИГИЛла къуйри нушала жагъилтани имцадиклахъу. Ахлерти динла узбира, рузбира. Иш кагъар газетализиб белкнила къас саби гьариллизи багъахъес сегъуна мижитунира, сегъуна имамтира лебал ишбархилизиб. Анцбукъ бетаурли гьергъи виснилизибад пайда лебси ахлен, ил бетаайчи хлянчи барес хляжатбиркур. Нушала динла узби-рузбала гямрулизибад дарс касили, нушала биштлатаци бархъси дин багъахъес къайгъи бирехле.

Эй, дунъяла инсанти!

Хлябра пакъирти лерра,
Иш дунъяла инсанти,
Даимлис даклибтиван
Ласдашул байтарманти.

Ахъили ахъ хъулрази,
Мургъи-арц къарианти,
Гьуни ахиратлизи
Хъумкартурти пакъирти.

Тамаша, иш дунъяла
Балтни хушани шала,
Дидалри марлира,
Жан исада хушани.

Хлердиэс къасбарая
Хлялалли, эй, инсанти,
Пашбизагарси сабу,
Иш дунъяла ласбикъни!

Писа Гямаров

ГIяламатла анцIбукъ саби мирхъи

Жагаси дуцIрумла аргълизир нуша природаличи дурадухъехIелли, нушала хIулби жагати вавначи дархъдилзан. Илдала жагадеш чехIебаэс хIейрар. ГIурра гIяхIил хIердизехIелли илди вавназибра гъатIира тамашала жан чедигIехIе. Илра саби мирхъи. Лерил лерти мицIираглизибад бегIлара уржили, сунела хIянчи бузахъуси жан саби. Мирхъи хIердирути сари чула пукънала духIнар, илданира биру дунъяла къакъличир лерти лерил секIлумазибад бегIлара умусира, жагасира продукт – вара. Гъарил мирхъила пукъалар дахъал мирхъи дирар. Амма илдазирадли вара барес дузути хъунул жинсла мирхъницун сари, мурул жинсла мирхъилизиб чIянкли жинс тIинтIбарнила дурабад гъатIи сегъуналра хIянчи лебси ахIен. Хъунул жинсла мирхъни биалли варара биру, ил кертути пукънира диру, акIубти сагати мирхънира дихIу. Мирхъила ГIямру дяркъес узухIели илар дебали тамашала анцIбукъуни дакIудулхъули сари. Мирхъила гъарил пукъалаб, декIарси гъайли буралли, мирхъила гъарил бригадализиб, илдани декIара барибси ца разведчик бирар. Илини арбякъи, къайцIбикIули, чус пайдала биэсигъуна вава бургуси саби. Ца кела варала барес багъандан мирхъилис кIел миллион вава алавдарес хIяжатбиркур. Илбагъандан лерил мирхъи вавни даргес къайцIдикIалли, вара кертIеси пукъни дарес чилра кахIевлан. Илбагъандан вавни даргахъес ца мирхъи бурхъули саб. Гъанна суал алкIули саб. Мирхъини сецад халаси гъуни ахъаллира, ит сунела хъули чарбухъес балули саб, ва сенилра чеббулкIули ахIен. Ил къалли буэс, илини гIурти мирхъилизи баргибси вавала мер секъайда бурусив, идира ита секъайдалра хатIахIейкили аркъули диалли? Вава баргахъес бархъибси мирхъи чарбиубли бакIибхIелли, илини гIурти мирхънази, сунени декIарабарибси вавала пыльца хIялбагъахъес бедлугули саби. Иличибли илдани ит вавала гIяхIдеш бала, гIур сунела къаракъайчил руржули, делхъгъуна диру, ва пукъала чедибхIи шурбухъи диралли, вава ит

шайчиб саби, удибхIи диралли ит шайчиб саби, илкъайдалли гъарил шайчибхъ бархIи хIисабли. БархIира ца мерлаб бууси ахIен, нушабра ашкарливан, мирхъилира сунела хIисаблизи бархIила вьшатIалара кайсу. ГIур калунтира мирхъи ит ваваличи сегъуналра хатIа агарли аркъян. Илала дурабад гIурра ца тамашала гIяламат леб. Мирхъини сунела вара кертIес диштIати пукъни дирули сари. Илди пукънира авал музала дегIти ахIен, журугаби ахIен, ромбикуни ахIен, илди лерил цаван, урегал музала дегIти сари. Ил секIал аргъес делчIунтиматематикунани халаси хIянчи бариб. Илдас гъаргбиубсинира дебали тамашабиахъуб. Журга, яра ромбикла пукъа баралли, идала ургаб бацIси мер кавлули саби, сунезибад пайда касес хIейруси, авал музала, яра хIябал музала баралли, ургаб мер кавлули ахIен, амма склад биштIали бетарули саби. Урегал музала склад биалли, хIябал музала яра авал музала склад бареси харж бегъубли, барес вирули сай, амма ил цаличибалра халаси бетарули саби. ХIерая, урегал музала пукъа барибхIели илдала ургаб мер кавлули ахIен, харж камси аркъули саб, саби пукъара гIуртачиб халаси бетарули саб. Марлира мирхъила устадешлис дазу агара. Амма чили илди бурсидарибтив? Чили илдази ихтигъуна тамашала хIисабти дагъахъургив? Илдира заманали бурсидирути ахIен, мирхъи акIубси заманаличибадал ихти лерил хIянчи дарес балули алкIули саби. Ил суайс делчIунти професортала жаваб агара. Ил суаллис жаваб Аллагъли хъурабарибси Къуръанлизиб леб. Аллагъ викули Сай (мягIна): «ХIела Аллагъли мирхъилизи багъахъур: хIед дубуртазиб, галгубазиб, адамтала хъуларазиб хъали бирен. ДекIар-декIарти деркеста букен, хIед Аллагъли гъаргдарибти гъундурачибад урцен». ГIурра Аллагъ викули Сай (мягIна): «Ихтала духIнарад декIар-декIарти ранганала держести дурадулхъан, илдазибра адамтас дарман бирар. Марлира ихизиб пикрибикIути адамтас гIяламат леб».

Ца гъигъла багъа

ГъигъбикIарну гъарил жан,
Ца гъигъла бура багъа.
УркIилаб лебу Алжан,
Хъуммартид хIуни Аллагъ.

Гъар жанна мицIирдешла
Лишан саби гъигъбикIни.
ПIягIям булъан дунъяла
Симкъбухъалли гъигъбикIни.

Ца гъатIи гъигъ касахъес
Ватабагу, ца Аллагъ,
Бахъ тIягIямла бирарну,
Асубиралли нагагъ.

Ванаси анкъи балтас,
Букул беркала балтас,
Дужути шинра далтас,
Шаласи дунъя балтас,
Ца гъатIи гъигъ касахъес,
Ватабагу, ца Аллагъ.

Нешра дудешра балтас,
Узи-рузира балтас,
АхIерти дурхIни балтас,
Юлдаш-тянишра балтас,
Ца гъатIи гъигъ касахъес,
Ватабагу, ца Аллагъ.

Унхърала цIедеш далтас,
Мирхъила варъа балтас,
Хивла бизидеш балтас,
Зела зукъидеш балтас,
Ца гъатIи гъигъ касахъес,
Ватабагу, ца Аллагъ.

Урхънала хъанцIдеш балтас,
Закла зубарти далтас,
Азир ранг зурхIяб балтас,
Ванзала тIягIям балтас,
Ца гъатIи гъигъ касахъес,
Ватабагу, ца Аллагъ.

ЧатIала тIамри далтас,
ТIумала дурхIни далтас,
Забла макъамти далтас,
Ца гъатIи гъигъ касахъес,
Ватабагу, ца Аллагъ.

БархIила хIерра балтас,
Базла къугъадеш балтас,
Дубурла вавни далтас,
Диркъурбала къар далтас,
Ца гъатIи гъигъ касахъес,
Ватабагу ца Аллагъ.


Писа ПIямаров

ХIушани дирудаяв ца дугIла бухIнаб лебил Къуръан белчIес?



Идбагли сунела асхIябтази хъарбаиб: «ХIушани ца дугIла бухIнаб Къуръа хIябал бутIала ца бутIа белчIес хIедирудаяв?». АсхIябти тамашабиубли, секъайдали вирусив или Идбаглизи хъарбаиб. Идбаг викар: «БелчIенная сура Ихлас (къулгъу), марлира цайна белчIунси сура Ихлас, Къуръа хIябал бутIала ца бутIа белчIниличи цугбиркур». ДекIарти хIядисуназибра буруливан, хIяйна сура Ихлас белчIалли, лебил Къуръан белчIунсиличи абиркур. Марлира сура Ихласла дурхъадешличила лукIули дахъал жузи делкIес вирар. Нушанира къантIли илала кериличила баянбарес къайгъи бирехIе. Анас ибн Маликли бурули сай, ца адам Идбагличи дугъавизурли, сунес сура Ихлас дебали дигниличила багъахъур или. Идбагра илизи викар: «ХIела ихичибси дигни хIу Алжунтази аркури». Убай ибн КагIбли бурибси хIядислизиб Идбаг викули сай: «Гъачам сура Ихлас белчIунсилис Аллагъли ужра бедлуга, лебил Сунечи, Сунела малаикуначи, Сунела китабуначи, Сунела идбагуначи иман бухибтас бедлугусицад. Ихлас белчIунси адамлис кери биур гъазаватлизиб бекIибти шагъидуналайчи абикибси». Их хIядис «Ат-Тафсир аль-кабир» бикIуси жузлизиб бурули саб. Абу Гъурайрачибадди бакIибси хIядислизиб леб: «УркIи уркIилабад Ихлас белчIунси адамличи Аллагъли Жагъаннабла цIа гъамхIебилкахъу». МугIяз бин Джабаллира, Анас бин Маликлира бурибси хIядислизиб леб: «Чили 11 сура Ихлас белчIаллира, Аллагъли сунес Алжанализиб къялгIя биру». Абу Гъурайранира, СагIид бин МусайгIяблира хIядис бурули саби: «Сура Ихлас чили 11 белчIаллира Аллагъли сунес Алжанализиб къялгIя биру, 20 чили белчIаллира итис кIел къялгIя диру, 30 чили белчIаллира итис хIябал къялгIя диру». ИлхIели Пумар бин ХатIабли тIамадариб: «Я Аллагъла Расул, Аллагъла уличибли хъа бирулира, Алжунтазирти нушала къялгIни нушани чуйнара имцIадирехIе». Идбагра илхIели викар: «Марлира Аллагъла уркецIилис дазу агарси саб». «РухIуль баян» бикIуси жузлизиб, ПIяли асхIябла гъай дурули сари.

ПIяли ибн Аби ТIалиб викар: «Савлила дехIбайс гIергъи 11 Ихлас чили белчIаллира, ит бархIилизиб итини бунагъ хIебиру, сунези бунагъ барахъес сецад халаси хIянчи шайтIай бараллира». Ат-ТIабаринира, Абу Гъурайранира хIядис бурули саби: «Сура Ихлас 12-на чили белчIаллира, итини лебил Къуръан авна белчIунсиличи цугбиркур, ит бархIилизиб сунела хIял-тIабигIят дукъхIедуи калалли, ит бегIлара разити адамтазивадли ветарар». «Аль-хазаин» бикIуси жузла 152 бяхIлизиб леб, Ибн Насрли Анас ибн Маликличибад хIядис бурули сай: «50-на сура Ихлас чили белчIаллира, Аллагъли сунела 50 дусла бунагъуни умудиру». Ат-ТIабарини Джабир бин ПIябдуллагъличибад бурибси хIядислизиб леб: «Бусурман адамли гъар бархIи 50-на сура Ихлас бучIалли, Къиямала бархIи сунела хIябла чедиб тIамала бикъу: «Айзи Аллагъ дурхъавиран лагъ! УхIнаухъен Алжанализи!»». Идбаг викар: «100-на сура Ихлас белчIунси адамла Аллагъли 50 дусла бунагъуни умудиру, авал журала бунагъла калайчи. Илдира сари: адам кавшнила бунагъ, зулмули мас бучнила бунагъ, зинала бунагъ, держли ужнила бунагъ». Ат-Тирмизини анас бин Маликличибад бурибси хIядислизиб леб: «200-на сура Ихлас чили белчIаллира, Аллагъли сунес 1500 гIяхIти гIямал дарнила ужра бедлуга, сунела жузлизирадра 50 дусла бунагъуни урису сунечиб адамтала хIекълизибси чебла лебли хIебиалли. Усес кайхъунхIели, кайхъи балуй шайчи, чили 100-на сура Ихлас белчIаллира, Къиямала бархIи сунези Аллагъли иру: «Я Дила лагъ! Балуй шайчивадли Алжанализи ухIнаухъен!»». Нушала Идбаг мурталра нушачила къакъавикIули вири. Сай акIубхIели цасте гъайра, убкIухIели дегIлара гIергъити гъайра «дила уммат» сарри. Нушачила къакъахIейкуси цалра бархIи лебси ахIенри. Амма хIядисуназиб бурни хIясибли, Идбаг викули сай: «Ну дила умматличи къакъавикIуси заманализив набчи ДжабрагIил малаик вакиб, илинира набчи сур Ихлас хъурабариб. ИлхIели нуни багъурра, Аллагъли дила умматла их бучIути муъминти гIязаб хIебуркIу».



УдидяхI:

1. Дагъиста имцIалинтала имам.
4. СалахIуддин аль-Аюбини батаахъибси ша-гъар.
7. Халати гъазаватуназибаддлI халбарибси гъа-зават кабикибси мер.
8. Ил сура ца гъигъличиб 7 белчIунсилис, 40-на Къуръан белчIунсилисгъуна ужра лукIа.
9. Гяршличи Къуръан хъурабарибси баз.
10. Къянали хъя бурибсилчиб, яра хъя къяна-барибсилчиб чеббарар.
12. Адам идбаг ﷺ Алжунтазирад дураибхIели илди сарри марайхIедиубли калунти.
16. Аллагъли ﷺ сунела валибас бедлугуси цIакъ.

ШайчидяхI:

2. Гяраб мезличибад шурбаталли «Умуси» ибси-ла мягIна иргъахъуси, хъунул адамла у.
3. Гумар ибн ХатIаб ﷺ халифали виубси за-мана, илди дузахъути адамти бегIлара халаси гIязаб чебаахъили кабуршахъес хъарбариб.
5. МухIяммад идбагли ﷺ ца рурси гъайрарес вализурхIели, итала дудеш мунафикъунази-вадди виъни багъандан, Идбаглис ﷺ рурси хIередес, ил изуси сари или къяна буриб. Хъули чарухъунхIели сунела рурси ит изайзи рикили раргиб.
6. МухIяммад идбагла ﷺ халадудеш Гябдул МутIалибла замана, КягIба бехъес душманти бакибхIели, илди къирбарахъес Аллагъли ﷺ илди арцанти дархъиб.
11. Адам Идбагли ﷺ дегIлара гъар хIулби гъаргдарибхIели сегъуна белкIни чебаиба?
13. Аллагъли ﷺ Сунела лебилра идбагунази ит хIянчи барахъиб.
14. Дунгъаличиб калунти лебилра идбагуни

20. Вагъабистунала бекI села шайчивад дакIуухъуна?
22. Аллагъли ﷺ ил амру барайчира, Гумар ибн аль-ХатIаб иличила дебали хъулвикули калунсири.
23. МухIяммад идбагли ﷺ жумягIла бархIни дурули, жумягI бархIи илис лайкъбариб.
25. Аллагъли ﷺ саби АлжунтазибаддлI гъабяхъ-яйчи иблис чизибаддлI бири?
28. Аллагъла ﷺ сипатуназибаддлI, лерил секIал Сунес мутIигIдакIахъибси ибси се сипат сабу?
29. Ил агарси адам, гъуни буреси агарли дура-ухъунси сукъурличи халвирули сай.

- селичибли хъурабарибтири?
15. МухIяммад идбагла ﷺ заклизиб у.
17. Аллагъли ﷺ ил мицIирагла хIекълизиб цехIнаб сура хъурабариб, сунезирадра декIар-декIарти держести дурадулхъниличила ба-гъахъур.
18. Пурти дехIбайзиб хIебучIуси савлила дехIбайзиб се бучIа?
19. Гярабтани МухIяммад идбаг ﷺ кавшес къас барили, амма секъяйдали каршусил хIебалули, вавасбикIухIели илдази чили гIеббуриба?
21. Аллагъ ﷺ Сунела лагъли се барибхIели лагъ-личивра дебали разивирау?
23. Къямала бархIи нушала ГIямулти иличир дитIикIу.
24. ДехIбайзиб саби барес чебси ахIенси, амма калнилис сужда бируси.
26. Сари фарзли дехIеурти, амма сари агарли фарз бетхIеруги.
27. Барес чебси гIибадатлизиб саби калали гIибадат бетхIерар.

Дагестанский гуманитарный институт объявляет набор на 2015—2016 учебный год по следующим направлениям:

48.03.01 «Теология»
 Квалификация: бакалавр теологии
 Профиль: культура Ислама
 Срок обучения: очно – 4 года, заочно – 5 лет.

Перечень вступительных испытаний: история, русский язык, обществознание.
 Перспективы выпускника: работа в образовательных учреждениях различного уровня, научно-исследовательских и госучреждениях, органах безопасности, религиозных организациях, структурах по паломничеству и др.

48.04.01 «Теология»
 Квалификация: магистр теологии
 Профиль: исламская теология
 Форма и срок обучения: 2 года (принимаются лица с высшим гуманитарным образованием)
Перечень вступительных испытаний: теология
 Перспективы выпускника: работа в образовательных учреждениях различного уровня, научно-исследовательских и госучреждениях, органах безопасности, религиозных организациях, структурах по паломничеству и др.

45.03.02 «Лингвистика»
 Квалификация: бакалавр лингвистики
 Профиль: теория и методика преподавания иностранных языков (арабский, английский)
 Форма и срок обучения: очно – 4 года.
Перечень вступительных испытаний: иностранный язык, русский язык, обществознание.
 Перспективы выпускника: работа в образовательных учреждениях различного уровня, научно-исследовательских и госучреждениях,

международных организациях в качестве переводчиков и др. в бизнесу и информатике.

42.03.02 «Журналистика»
 Квалификация: бакалавр журналистики
 Профиль: журналистика
 Форма и срок обучения: очно – 4 года, заочно – 5 лет.
Перечень вступительных испытаний: литература, русский язык, обществознание.
 Перспективы выпускника: работа в средствах массовой информации – газетах, журналах, на телевидении и радио, в исламских СМИ и др.

38.03.01 «Экономика»
 Квалификация: бакалавр экономики
 Профиль: бухгалтерский учет, анализ и аудит.
 Срок обучения: очно – 4 года, заочно – 5 лет.
Перечень вступительных испытаний: русский язык, математика, обществознание.
 Перспективы выпускника: работа в учетно-аналитической, аудиторской, административно-управленческой, внешнеэкономической сферах и др.

38.03.05 «Бизнес-информатика»
 Квалификация: бакалавр бизнес-информатики
 Профиль: электронный бизнес
 Срок обучения: очно – 4 года
Перечень вступительных испытаний: русский язык, математика, обществознание.
 Перспективы выпускника: работа в сфере бизнеса и финансов с применением и н ф о к о м у н и к а ц и о н н ы х технологий, маркетинга, логистики, в исследовательских учреждениях по

50.03.01 «Искусства и гуманитарные науки»
 Квалификация: бакалавр искусств и гуманитарных наук
 Профиль: международные отношения, политические науки и права человека
 Срок обучения: очно – 4 года, заочно – 5 лет.
Перечень вступительных испытаний: русский язык, история, творческий конкурс.
 Перспективы выпускника: работа в области международных отношений, политических наук и прав человека, межкультурных коммуникаций и бизнеса.

МЫ ПРИНИМАЕМ:
 лиц, имеющих: высшее образование; среднее профессиональное образование; окончивших образовательное учреждение до 2009 г., – на основании вступительных испытаний, проводимых вузом. Все остальные категории граждан – на основании результатов ЕГЭ.

НЕОБХОДИМЫЕ ДОКУМЕНТЫ:
 1. документ об образовании или его нотариально заверенная копия,
 2. свидетельство ЕГЭ,
 3. паспорт,
 4. цветное фото (3x4) – 8 штук.

Прием документов: с 10 июня по 29 августа.

АДРЕС ПРИЁМНОЙ КОМИССИИ:
 г. Махачкала, ул. Дахадаева, 136 (рядом с Центральной джума-мечетью).

Тел. 94-00-60, 8 964 009 00 47
<http://daggum.ru>

Медресе и Дагестанский Исламский Университет имени шейха Мухаммад-Ариффа

Объявляют прием абитуриентов на очередной 2015/2016 учебный год. Цель обучения – подготовка специалистов со средним и высшим профессиональным религиозным образованием по направлению «Культе исламского вероисповедания» квалификации «Священнослужитель исламского культа».
Продолжительность обучения:
 в Медресе – 3 года;
 в Дагестанском исламском университете – 5 лет.

ПЕРЕЧЕНЬ ДОКУМЕНТОВ, НЕОБХОДИМЫХ ДЛЯ ПОСТУПЛЕНИЯ:

1. Нотариальная копия документа о среднем общем образовании (поступающим на базе основного общего образования (9 класс.) вместе с нотариальной копией аттестата необходимо представить справку со школы о переходе на семейную форму обучения).
 2. Копия паспорта.
 3. Фотокарточки размером 3/4 в количестве пяти штук.
 4. Медицинская справка Ф 086.
 5. Копия прививочного сертификата Ф 156/у-93.
 6. Рекомендация от преподавателя религиозного обучения либо от руководителя мечети (имамы), расположенной по месту жительства абитуриента.
- Прием документов с 1 июня по 17 августа.

Наш адрес: г. Махачкала, ул. Дахадаева, д. 136.
Тел.: (8722) 67 55 08;
+7 (988) 294 56 16.

Шери редлугуси рурсила гълабтани мебель кредитли асиди диалли, илди хъули кадихъахъес асубирусив?

Гъарил чебла, сунезибадди чебла бедлугусилис сегъуналтра пайда лебли биалли ит риба саби. Рибара – халати бунагуназибадди саби. Кредитла мягънара саби – арц, яра мас чеблалис сасни, ва имцъадарили чардарни. Ихра бархъси риба саби. Бунагълис байхъала гъайлила кумек барибси адм ит бунагъ барибсила вархъяна вирар ибси хядисра леб. Ихизибадди иргъулира, кредитлис, рибала вачар барили сасибси секъал вегъла хъулиб бузахъес асухебирни. Сенилра илгъуна мас хили биалли, ил чарбарнилизирадра дахъал фитна детарар, хъали мер дехъесра асубирар. Илбагъандан хибси секъал батурли, сецад виралтра къайгъилизи викес хъяжатбиркур ит кредитла чебла ахъес процент имцъабийчил.

Ассаламу гъялайкум. Мижитлаб акбар адамли хъебелчи записли белчалли асубирусив?

Шила бухънаб, яра шагъарла бухънаб ца мижит биубли, акбарра илаб ахъи хъебучалли, запислизи акбар белчалхъес асухебирар. Шила духънар, яра шагъарла духънар чумилтра мижит лерли диалли, илаб асубирар запис алкахъес, амма сенилра къадаси саб.

Цъабси мерлар дехъбала дарес асубирусив?

Асубирусисаб.

Ассаламу гъялайкум. Исламлизиди ракъибси ца рурсини набзи суал хъарбиули сари. Ил арикъурси халанештра, илала гъамтира христиантала хъярбази хъярибихъили саби, илис ила рякъи, илаб умудеш барили, хъяб алавбуцили, илгъуна хъянчи барес асубирусив?

Ва гъялайкум ассалам. Хъяб алавбуцес хъяжат агарли биалли сенилра асубирусисахъен, хъярамси саб. Хъяжатра саби – ила забла, хъеркъла шин кадухъи, хъяб гъаргъиес урехи лебли биалли, яра мицъирагли хъяб гъаргъарнила урехи лебли биалли ва илдачи мешути гъузруби багъандан хъяб алавбуцес асубирар. Хъябличиб умудеш ибхъели, иларти дерубти къар урасес асубирар, гердужъи дакъибти къаркъа, яра дягъли хибти няс диалли, илдирар урасес вирар, амма хъябличирти шиниша къар къябдарес хъярамси саб. Жагъил рурсилис хъябличи зияратли рукъяс къадагъабирусисаб, ил рякънилизиб фитна акъес имкан лебли биалли, илис хъябличи рукъяс хъярамси саб. Шагъарла, яра шила духънарти хъярбачи зияратли башахъес хъунул адматасра ихтияр бедлугули саби, амма илди дебали уреси чебли аръякъи, чарбухъес хъяжатбиркур. Нушани бурибси лебил хъукму бусурмантала хъябрала хъекъелизиб саби, христиантала биаб, цархъилтала биаб хъярбачи вашни сенилтра гапла ахъен, илдаха крестуначи хъерикъесра къадагъабирусисаби. Амма динлизив камси замана виубси адамлизиди, чус гъядатли детаурти секъал датахъес гъачамли хъейрар, илра динлизивад дураухъес асубирар. Илбагъандан илала хъекъелизиб мяхъкамдеш барес хъяжатбиркур.

Идбагла асхъябтани держла бужули калунтирив?

Гъаланачи держла бержнелизиб бунагъ лебси ахъенри, илхъели асхъябтанира бужули бири, гъур держ дехъбайзир хъярамдарибти сарри. Держла бержили дехъбайчи кайзес асубирусисахъенри, амма гъурси заманализир держ хъярамти ахъенри. Гъур держ таманли хъярамдарибтири, итала гъергъира асхъябти держличи гъамбиубти ахъенри.

Дила гъамтазив мискинси адам лев, ил гъякъулизивадра хурдди сай. Нуни гъар дус, дила закатла или, илис байрамтала бархъназиб палтар исули вирусра. Нуни бирусиса бархъсив?

Ил баркъуди гъяхъси баркъуди саби, амма закат или барес асухебирар. Сенахъенну закат ца адамлис бедес асубирусисахъен, ил, къуръайзиб гъанбушибти шелтра журала адамтас бедес хъяжатси саби. Гъаланачи закат се маслизибад бедлугулил кабизахъес хъяжатбиркур, вачарла масла биалли, нушала мазгъаб хъясибли, масли закат бедес хъейрар, багъа бедес хъяжатси саби. Ил баркъуди чъянкъли садакъаличи арбухили бирес вирар, илизибра халаси пайда баргес асубирар.

Нуни арцла вегъи адамлизиди наб хъяжатси секъал исахъулира, гъур ит секъал наб чеблалис бирцахъулира нушани кабизахъурси багъара имцъабарилли, ишаб бетарулир риба?

Шаригъятла хъукму хъясибли илаб риба бетхъерар, ил хъялалси вачар саби. Амма гъялимтани бурни хъясибли ил динлизир макру дарни саби, сунесра «хъилату диния» или бикъар. «Хъилату диния» гъялимтани бурни хъясибли бархъси рибаличиб вайси саби. Сенахъенну илав Аллагъ ﷻ виргъявергес узни бетарули саби, Аллагъ ﷻ виргъявергес чилилра вирусисахъен.

Вегъла гъамтазиб закат бедести адамти лебли биалли, илдас закат бедес асубирусив?

Вегъли абикуес чебти ахъенти гъамтазиб илдигъуна адамти лебли биалли, итхъели асубирар.

Хъурматла узби ва рузби!

2015 ибил дуслис «Ас-салам» газеталис къулбасбирес даимбиубли саби.
Газета къулбасбарес вирар чиди-дигара почтала отделенилизиб. Илкъяйдали Дагъиста лерилтра районтазибти нушала хъянчизартачибад.
«Ас-салам» газета къулбасбирули, Дагъистайзиб Ислам тинтибирнилизиди хъушалара пай кабирхъултрая...
Къудратла Вегъи Аллагъли нушала уркъазиб иманра, Исламра, динничидигира имцъадараб.
Дусла духънар дурадлухъути газетабала багъни бузри хъясибли дарсдиклар!
Дирхултра, нушала бучанти газета агарли кахъевлан.

Хъурматла узби ва рузби!
Динничил дархъдасунти, «Ас-салам» редакциялизиди яра даргала «Ас-салам» газетала редакторличи суалти лердиалли, хъушани телефонна иш гъергъисиди номер хъясибли занкъдяхъес дирудая:
+7 (988) 303 00 08 (Асхаб).
Диубсигъуна кумекбирехъе, иншаАллагъ !!!

ДАГЕСТАНСКИЙ ИСЛАМСКИЙ УНИВЕРСИТЕТ ИМЕНИ ШЕЙХА МУХАММАД-АРИФА

ОБЪЯВЛЯЕТ ПРИЕМ АБИТУРИЕНТОВ НА ОЧЕРЕДНОЙ УЧЕБНЫЙ ГОД

Обучение предназначено для получения целостных знаний



о религии и подготовки специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа»

ПРОДОЛЖИТЕЛЬНОСТЬ ОБУЧЕНИЯ:

- ✓ в Дагестанском исламском университете – 5 лет;
- ✓ в Медресе – 3 года.

ДОКУМЕНТЫ НЕОБХОДИМЫЕ ДЛЯ ПОСТУПЛЕНИЯ:

- ✓ нотариальная копия аттестата или диплома;
- ✓ копия паспорта – 2 шт.;
- ✓ фотокарточки размером 3x4 в количестве пяти штук;
- ✓ медицинская справка Ф 086;
- ✓ прививочный сертификат Ф 156/у-93;
- ✓ рекомендация от преподавателя религиозного обучения либо от руководителя мечети (имама) расположенной по месту жительства абитуриента.

ПРИЁМ ДОКУМЕНТОВ ЕЖЕДНЕВНО
КРОМЕ ПЯТНИЦЫ
С 9.00 ДО 17.00
ПЕРЕРЫВ С 12.00 ДО 13.00

Наш адрес:

г. Махачкала, ул. Дахадаева, 136
тел.: 8 988 294 56 16

Рузнама

Сентябрь

дни	Утренний Ас-Субхл	восх.	Обеден. Аз-Зутър	После-обеден. Аль-Гаср	Вечерн. Аль-Магъриб	Ночной Аль-Гъишаъ
1	03:30	05:12	11:52	15:34	18:27	19:57
2	03:31	05:13	11:51	15:33	18:25	19:55
4	03:34	05:15	11:51	15:31	18:22	19:52
6	03:37	05:17	11:50	15:29	18:18	19:48
8	03:40	05:19	11:49	15:26	18:15	19:45
10	03:43	05:21	11:49	15:24	18:11	19:41
12	03:45	05:23	11:48	15:22	18:08	19:38
14	03:48	05:26	11:47	15:19	18:04	19:34
16	03:51	05:28	11:46	15:17	18:00	19:30
18	03:53	05:30	11:46	15:15	17:57	19:27
20	03:56	05:32	11:45	15:12	17:53	19:23
22	03:58	05:34	11:44	15:10	17:50	19:20
24	04:01	05:37	11:44	15:07	17:46	19:16
26	04:03	05:39	11:43	15:05	17:42	19:12
28	04:06	05:41	11:42	15:02	17:39	19:09
30	04:08	05:43	11:42	15:00	17:35	19:05

Рузнама Мяхъячкъалала шагъарлис саби

Рекомендовано каноническим отделом ДУМД для г. Махачкалы